

qinnuteqartog:	siunertaq / piviusunngortilersaagaq:	akuersissut:
Inge Olsvig Brandt Nuuk	<p>Kalaallit Nunaanni Naligiissitaanissamut Siunnersuisoqatigiit Nuuk</p> <p>Isummamik pigiliutiinnakkamik allannguinnissaq. Kikkut tamat ataqqinassuseqalernissaat pillugu suliniut Ukkatarinninnermik, siunertamik, tunniussaqaartarnernik kiisalu akisussaaffinnik piviusunngortitsineq siunertaavoq.</p> <p>Inuit tamatta qanoq ittuunerput atorsinnaatitaavarput, taamaattumillu tamat oqartussaaqataanerani immitsinnut oqaluttarnivut pingaarutilipilorujussuupput. Inuit ataasiakkaat arlalikkuutaallu akornanni isummamik pigiliutiinnagaqarnerit assigiinngissutsitsinnillu paasisimasaqannginnerit oqaloqatigiinnernut sanngiil-lisaataapput, ukiunilu kingullerni misilittakkavut takutippaat inuit ataasiakkaat arlalikkuutaallu akornanni oqaloqatigiittarnerit nukittorsarneqarnissaannut siu-arsarneqarnissaannullu pisariaqartippavut.</p> <p>Taamaammatt Kalaallit Nunaanni Naligiissitaanissamut Siunnersuisoqatigiit GREATALKS suleqatigalugu tamanna ukkatariniarpaat, ilaatigut inuit assigiin-ngitsorpassuit peqatigalugit siunnerfilimmik suliniuteqarnikkut kort-inik oqalo-qatigiinnermut atugassanik pilersitsinermik kiisalu qaammarsaanermut atugas-sanik inerreqartussamik. Pilersitat atorlugit isummamik pigiliutiinnakkanik al-lannguisoqarnissaa anguniarneqarpoq, taamaalillutillu inuit ataasiakkaat arla-likkuutaallu siuarsarneqarnerisigut nukittorsarneqarnerisigullu isorinnippalaar-tumik anguniagaqarluartumillu oqaloqatigiinnermi kikkut tamat tikilluaqqusaa-sutut misilernissaat anguniarlugu. Inuit ataasiakkaat kikkuunertik annilaanga-ginagu saqqummersinnaanerunissaannik nukittorsaaqataarusullutalu pisinnaa-titaaffitsinnik eqqumaariffiginnitsilerusuppugut.</p> <p>Kikkut tamarmik isumaqatigiilernissaat anguniarneqanngilaq, kisiannili isuma-qatigiinngissutigisatta assigiinngissutsittalu inerisarlugillu inissaqartilernissaat anguniassavarput. Suliassaq imaannaanngissamaaqaq annernartortaqarsin-naallunilu, taamaattoq tamat oqartussaaqataanerannik pingaaruteqarluinnartu-mik piujuartussamillu toqqammaviliisussaavoq.</p> <p>Tamat oqartussaaqataanerannik pingaartitsinissatsinnut assigiinngissutsillu inissaqartilugit peqataatitsinerusumik oqaloqatigiinnissat tamatta inuttut aki-</p>	150.000

qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

sussaassuseqarnerput tamatta ilisimaarilluassagipput suliniutip oqaloqatigiin-
nermilu kort-it atornerini siunertarineqarpoq.

Oqallinnerup inernera kisiat atuutissasoq pinngitsoortinniarlugu paasititsiniaa
nikkut suliap ingerlanera ersarissarneqassaaq. Isummat, isummersuutit oqalut-
tuallu inuit akornanni pileraangata tusagassiuutikkut assigiinngitsutigut oqalo-
qatigiinnerit aporfiusinnaasullu suliniutip ingerlannerani oqaluttuarineqartaru-
maarput.

Siunertaq sunniutillu suliniuteqarnitsinni:

- 1 atuarfinni ilinniarfeqarfinnilu meeqqat, inuusuttut ilinniartitsisullu isummamik
pigiliussereertarnerit akeqquissisarnerillu assigiinngitsut suussusersinissaallu
eqqartornissaannut sakkussaannik tunissavavut
- 2 inuit ataasiakkaat arlalikkuutaallu akornanni oqaloqatigiilernissaq aallartissa
varput
- 3 najukkani inuiaqatigiinni qanittuinilu suliffeqarfinni paaqqinniffinnilu oqaloqa
tigiilernissaq aallartissavarput
- 4 assigiinngisitsinerup akiornissaanut Nunatsinni inuiaqatigiinni tamani ilisimaa
rineqalernissaa aallartissavarput.

Suliniutip iluatsinnissaanut siullertut piffissaliussap pilersaarutit malillugit
naammassineqarnissaanik tunngavissaqassaaq, taavalu piffissaq isumaqati-
giissutigineqartoq malillugu suliap tunniunneqarnissaa. Tamatuma saniatigut
sunniutaasut suleqatigiinnerit naammassineqartukkut, kattuffinni, suliffeqar-
finni paaqqinniffinnilu oqaloqatigiinnikkut takuneqarsinnaajumaarput. Periutsip
Kalaallit Nunaanni suni tamani ilisimaarineqalernissaa oqallisigineqalernissaa-
lu soorunami neriuutigineqarpoq. Kattuffiit imaluunniit suliffeqarfiit qanorluun-
niit immikkut ittunik anguniagaqaralarunik peqatigiilluni kivitseqatigiittoqar-
niassamat pitsaaliusut, suliffeqarfiit kattuffiillu akimorlugit inuiaqatigiinni
suleqatigiittoqalernissaa kissaatigineqarpoq.

Suliniut qanoq aaqqissuussaava?

Suliniuteqarnermi matumani Naligiissitaanissamut Siunnersuisoqatigiit aamma
GREATTALK suleqatigiipput. GREATTALK-ip Naligiissitaanissamut Siunnersuiso-
qatigiinnut attaveqaatigisaa tassaavoq Inge O. Brandt. GREATTALK-imit periar-

qinnuteqartooq:	siunertaaq / piviusunngortilersaagaq:	akuersissut:
-----------------	---------------------------------------	--------------

fissanik saqqummiussineq apeqqutaatillugu Inge (aamma Naligiissitaanissamut Siunnersuisoqatigiit) taamaalilluni aappimik naamimilluunniit aalajangertas-saaq.
Suliniummut unnga peqataapput inuit 25-it

Jan Mørch Pedersen Nuuk	Nuuk Nordisk 2021 Nuuk Nuuk Nordisk 2021 - Nunarput tamakkerlugu peqataasitsisoqarnissaa. Nuuk Nordisk 2021 ukiut aappaat tammasa ingerlanneqartarpoq, ukioq manna sissamassaat. Ukioq manna aqqissuussineq corona-mit annertuumik akornuserneqarsimavoq, taamaamat aqqissuisut pikialaartitsinissaq allatut ajornartumik ullunit arfineq-marlunniit ullunut sisamanut sivikillisariaqarsimavaat. Pikialaartitseqataasussat ilaat Nunani Avannarlernersuussapput, taakkulu qarasaasiakkut attaveqatigiittarfikkut peqataasussaallutik. Assersuutaasinnaavoq nipilersortartut ilaat namminneq immiussisarfimiinniit peqataassapput, atuakkiortut ilaat oqallinnerni soorlu zoommikkut allatigullu peqataassallutik. Tamakkuli isumaqanngillat pitsaasuliornissamut anguniakkat apparsarneqarsimane-rannit. Killormulli suna tamaat atorlugu Nuuk-mi innuttaasut pikialaartitsiner-mi takusassanit tusagassanillu annertuumik atituujusunillu misigisassaqtinniarpavut. Misigisallu Nunatsinni allani aamma misigisaqarfiginissaat angorusukkatsigut, aamma Nuuk-miunut sineriammiunullu eqqumiitsuliornikkut pilersitsisartut piginnaasaqarluartut takutikkusukkatsigit kissaatigaarput porsarsimassutsikkut takutitsisussat sineriassuatsinneersut pikialaartitsiner-mi peqataatinneqarnissaat kissaatigaarput. Qinnuteqaammi uani pineqarput taakkorpiaat, NunaFonden-immi tapiissutigisinaasat tamarluinnarmik sinerissamiit eqqumiitsuliornikkut pilersitsisartut peqataa-nissaat, pineqarlutik illoqarfinniit aamma najugaqarfinneersut Nuuk-p avataaneer-sut. Tapiissutit atorneqassapput angallasinernut, unnuinernut aamma eqqumiitsuli-ornikkut pilersitsisartut peqataasut ajunngitsorsiassaqaarnissaannut, taakkumi aamma annertuumik corona-mik nalaanneqarnermi eqqornerlunneqarsimasut. Aqqissuisut pilersaarutigaat illoqarfinniit najugaqarfinniillu ukununaniit aggersaa-	350.000
----------------------------	--	---------

qinnuteqartoq:	siunertaq / piviusunnngortilersaagaq:	akuersissut:
----------------	---------------------------------------	--------------

soqarnissaa:
 3-sut Alluitsup Paa
 1-seq Ammassivik
 12-it Kangaatsiaq
 10-it Ilulissat
 10-it Aasiaat
 5-mat Qaqortoq
 10-lit Sisimiut
 5-mat Qaanaaq
 7-luk Upernavik
 12-it missaat Tasiilaq

Akit naliginnaasut (corona-mik nalaanneqarnerup nalaani akiunngitsut) aallaavigalugit neriuutigaarput agguaqatigiisillugu peqataasumut ataasermut aningaasartuutaassasut 9 - 10.000,- koruunit, unnuineq ajunngitsussiasaqarnerlu ilanngullugit. Pineqartut taamaallaat peqataasinnaapput NunaFonden-ip tapiisinaanera angusinnaagutsigut.

Immikkut qarasaasiatigut sullississinermut ilisimasaqarluartut pikialaartitsinerup sinnerissamut siaruarnissaa pillugu oqaloqatigisareerpavut.

Piviusunnngortilersaakkami uani peqataassapput:
 Sinerissamiit 60-niit - 65-it tungaannut. Katillugit 250 peqataassallutik.

Peter Willumsen Sisimiut	Kalaallit Nunanni Pattagiaasartartut Kateriinnissaat Sisimiut Kalaallit Nunaanni Pattagiaasartartut kateriinnissaat. Qinnuteqaatip aqqa taagutaaluunniit: Kalaallit Nunaanni Pattagiaasartartut. Qinnuteqaatip piviusunnngortilersaakkalluunniit siunertaata allaaserineqanera: Kalaallit Nunaanni pattagiaasartartut katerisinnissaannut qinnuteqaat siunertartaqarpoq, taassuminngali qinnuteqarneq siivarsaaqataarusunnermik aamma siunertaqarluni. Siunertaq: Kalaallit Nunaanni nipilersornikkut pisuussutitta ilagilluinnagaat pattagiaasaq,	80.000
-----------------------------	---	--------

qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

taannali nipiliuutini naliginnartut ulluinnarineqanngilaq. Ima paasillugu, nipilersortut angalagaangamik tusarnaartitsillutik akuunngisaannangajappoq sukcut tamaanarujussuaq takussaalaartarpoq. Taamaattumik ulluinnarinnginneranut aamma patsisit ilagaat uuma isumap pilertiartornera, Kalaallit Nunaanni pattagiasarnikkut soqutiginarsaaneq ingerlanneqarsinnaavoq nalilittut allatut isigineqaleruni, kisiannili aamma inuusuttut inuusuttuaqqallu soqutiginnilersinnaanut katerittarneq pisooqataasinnaalluarpoq.

Tassami pattagiasamik nipilersuuteqassagaanni naluneqanngilaq kiserliornartuusoq, pissutigalugu naligisatsinnik peqatigisatsinnik peqatissaqartannginneq, taamaattumik pissusissamisuuginnarpoq Kalaallit Nunaanni pattagiasartartut katerisinnissaat. Aammattaaq manna katerinnissamat isuma pinngoriartuuteqarpoq qanoq ilisamik Kalaallit Nunaanni pattagiasartartut namminerisaminik peqatigiiffeqalersinnaaneq eqqartugassaannut ilannguttinneqarmat, taamaaliornikkummi qulakkeeriartorneqarsinnaammat aalaakkaasumik ukiumiit ukiumut imaluunniit ukiut marlukkaarlugit katerittalerneq.

Kalaallit Nunaanni pattagiasartartut soqutiginarsaanissamik aamma suleqataanissaq ilimagaara kialluunniit naameersinnaanngikkaa, tassami inuit pikkorissorsuit nunatsinni pigisagut kisissaapput. Taamaattumilli akornatsiniikkallarnerini aamma piginnaasaannik paarlaaqateqartarnissaq pingaartuulluni, soorunami aamma piffimmiit piffimmut najuunniarneq killeqartassaaq. Kisianni Kalaallit Nunaanni pattagiasartartut naapisinneqartalernissaat uani siunertami annerpaat ilagaat, pikkoriffinnik paarlaaqatigiinneq inuusuttuaqqanik inuusuttunillu aallarteqqaallu ilinniartittuarlugit pattagiasarsinnaanermik soqutiginnilersitsinikkut aatsaat tamakku anguneqarsinnaapput. Uumap isuma angunissaanut assorsuaq illersuivunga, tassami Nunatsinni pattagiasartartut allatulli aamma nipilersortartutut isigineqartariaqarmata. Taamaattumik uannga isumamik pilersitsiniarninni qinnuteqaateqarlunga, neriullunga akuerineqarluni ilassilluarneqassasoq.

Erseqqissaassutigissavara ima ilusilerlugu avataaniit tikeraaqarnissaq pilersaariorakkut, Illoqarfiit Nunaqarfiillu umiarsuup tikittagai salliutilluigit. Illoqarfiit Nunaqarfiillu ukuusut ilanngunneqarput.

qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

Qaqortoq, Narsaq, Arsuk, Paamiut, Qeqertarsuatsiaat, Nuuk, Maniitsoq, Kangaamiut, Sisimiut, Aasiaat, Qeqertarsuaq og Ilulissat. Kalaallit Nunaanni Pattagiaasartartut Katerinnissaat 09. – 15. august 2021.

Taakkunanili aamma ima sillimanikkut pilersaarut isikkulerlugu inissippara, soorlu Qaqortoq-miit tallimaasussaallutik pingasuinnaat ilaasinnaappata taava Narsaq-miunut marlunnik ilallugit imaluunniit piffiit ilaanni ilasilluni. Taamaa-lilluni pilersaarummi inuit taakku tikeraatorerusutat amerlanerpaat tigungmiin-narusullugit, pilersaarummi aningaasanut tunngasut tamarmik umiarsuakkut ingerlasussanngorlugit pilersaarutaapput. Soorunami akikinnerusoq kialluunniit ugartussallugu kissaatigisarmagu, taamaattumik sinersortaammik angalanis-saat nerisaqarnissaallu uani aningaasanut missingersuummi ilannguneqarput. Kalaallit Nunaanni Pattagiaasartartut katerinnissaannut Sisimiut-ni pisussan-gortippara pissutigalugu illoqarfippit nuannersoq aamma avataaniit tikinne-qarluni Kulturikkut pikialaarfiunissaa pattagiaasarnikkut, taamaattumik ulluni 09. - 15. august 2021 pisussanngorlugu eqqarsaatersuutaavoq. Kalaallit Nu-naanni Pattagiaasartartut nunatsinni inerisaaqataaffigerusullugu minneruni ngitsumik inuusuttut inuusuttuaqqallu allarlerlaat kaammattorneqarnissaat kis-saatima annersaasa ilagaat, taamaaliornitsigummi aatsaat inuit amerliartorsin-naavugut tamatuminnga soqutigisallit.

Nunatsinni pattagiaasartartut katerittalernitsigut aamma soqutigineqaleriartor-nissaa naatsorsuutigineqarsinnaavoq, sualummik inuusuttut inuusuttuaqqallu eqqarsaatigalugit. Sunaluunniimmi ajunngitsumik siunertalik aallartikkaangat aamma pinaveersaartitseqataalersarmat, taamaattumilli aamma inuusuttut i-nuusuttuaqqallu uani mininneqanngillat.

Soorunami una isuma piviusunngortikkusunnaqaaq, tassami Nunatsinni pattagi-aasarnikkut aamma siivarsaanissaq pisariaqalivimmat. Kalaallit Nunaanni sine-riak annerpaaq pilersaarummi uani piviusunngortinnissaanut qinnuteqaat akue-rineqarpat pattagiaasartartorpassuit soorunami tanngassimaassaqaat nalilittut pineqarlutik, taamaattumik ilungersuullugu uumap piviusunngortinnissaa assut kissaatigaara.

Inuit 55-it piviusunngortilersaakkami uani peqataapput.

qinnuteqartoq:	siunertaq / piviusunngortilersaagaq:	akuersissut:
Michael Tang Markusson Jokkmokk Sverige	<p>Bobbi Lo Produktion</p> <p>Jokkmokk</p> <p>Sverige</p> <p>DO AS I SAY-mik Nunatsinni angallassineq.</p> <p>2020-mi Bobbi Lo Produktion-ip pilersippaa qiteqatigiinnikkut isiginnaagassiaq DO AS I SAY tassanilu sammineqarlutik qinngasaaruttarneq aamma oqartussaassuseqar-neq, isiginnaagassiaq piviusunngorpoq nunat Danmark-ip, Kalaallit Nunaat-ta aamma Sverige-p suleqatigiinnerisigut. Isiginnaagassiaq takuteqqaarneqassaaq 2021-ip upernaanerani, taannalu pilersinneqarpoq eqqumiitsuliortut pilersitsisartut qallun-naat svenskillu aamma Århus Gymnasium Tilst-imeersut og Malmö Latin Skola-meersut suleqatigiinnerisigut. DO AS I SAY piviusunngortikkaartorneqarpoq ilaati-gut Augustinus Fonden-ip aningaasaliineratigut.</p> <p>Isiginnaagassiap takusassiatut suliarinneqatigiittut ukuupput:</p> <p>Koreografer aamma qitittartut: Michael Tang DK og Lava Markusson SE</p> <p>Grafiker: Inuuteq Kriegen GL</p> <p>Tekniker: Hans-Ole Amossen GL</p> <p>Qitittartut: Kristian Refslund DK, Moa Autio SE og Jens Brøndum DK</p> <p>Nipilersugassiortoq: Jonathan Lundberg SE</p> <p>Grafiker: Inuuteq Kriegen GL</p> <p>Bobbi Lo Produktion Nunatsinni susassaartoqarfinniit arlalinniit DO AS I SAY-ip saq-qummiunneqarnissaanut aggersaasimaput. Susassaqarfik Nunatsinnut sakkortuumik attaveqarpoq aamma suliarinnittuusimalluni aamma angallassimallugu saqqummi-ussassiaq 'Noet lidt anderledes' 2019-mi aamma 2020-mi. Pingaartinneqarpoq nan-giilluni suleqateqartuarnissaq aamma Nuuk-p avataani inuusuttunut periarfissiisar-nissaq, isiginnaartitsisarfimmiit qaffasissumik pitsaassusilinnit saqqummiiuartarnis-saq, tamatuma inuusuttut eqqumiitsuliornikkut pilersitsinermut isiginnaattasaat pingaaruteqarmat aamma inuiaqatigiit akorniittuummat.</p> <p>Isiginnaagassiaq pillugu naatsumik:</p> <p>DO AS I SAY qitilluni takusassiaavoq peqataaffiusinnaasoq qitiutinneqarluni inooqa-tigiinnermi periuseqarneq, qinngasaarineranut aamma oqartussaassuseqarnermut atatillugu, isiginaagassiami anguniarneqarput inuusuttut inersimasullu, pingarne-</p>	100.000

qinnuteqartog:

siunertaq / piviusunngortilersaagaq:

akuersissut:

rutillugit 12-niit 18-inut ukiullit. Isiginnaariat peqataassapput isiginnaartitsisarfiup eqqaani qitittartut qanillugit, nipi tuluttoortoq immiuteriigaq atorlugu qanoq ilior-nissamat ilitersuisoqassaaq, isiginnaartut takusitsillutillu qitittut qisuariartarfigi-sassaat. Iltersuutit ersarissut nammeneq misigisimasanik akorneqassapput, an-nertusarlugu samminiakkat qiterisaat, tassa qinngasaarisarneq, taamaaliornikkut isiginnaariat misigissuseqarlutik peqataanerunissaat anguniarlugu. Isiginnaagassiap takutinniartussaavaa qanoq eqimattakkaartut sunnerneqarsinnaanerit, qanoq iliuu-sissatut anguniarneqartut imaluunniit anguniarneqanngitsut ersarissarniarlugit. An-guniarneqarpoq isiginnaariat peqataasut aqqusersussallugit aamma periarfississal-lugit siusinnerusukkit qinngasaarinninneq saqqummiussaariigaq aamma immikkoor-titsiniarneq qanoq imminnut ataqatigiinnerat ersarissarniarlugit. Qanoq eqimattaqa-tigiilluni sunniisarneq aallartinneqartarpa? Kina oqaasissaqartuua? Aamma sooq ta-matta taassumap innersuutai malittarpavut?

Susassaqarfiusumut pingaaruteqarpoq isiginnaagassiamik angallasinermi sumiiffin-ni Nunatsinniittuni kalaallit inuusuttut suleqatiginissaat, taamaammat atuarfinni saqqummiinerit tamaasa kingorna suliniuteqaqatigiinnernik periarfissaqassaq. Suli-niuteqaqatigiiffinni sammeneqassapput aalaneq, pingaartisar aamma oqallinneq, peqataasut periarfissinneqassapput nammeneq aalariaaseq aallaavigalugu aamma timi atorlugu 'oqariartuuseqarneq' takutissinnaassallu aamma oqaasissaqartuuneq nittarsarsinnaassallugu. Periarfissiiniarpugut misilissallugit qanoq periuuseqarsin-naaneq, qanoq inissisimanertut misigisimaneq misigitissinnaallugu aamma peersin-naalluguluunniit, kiisalu inuiaqatigiit akornanni isumat eqqumiiginarsinaasut am-mut qummullu saatsiterlugit nutaanik takuneqarsinnaanngorlugit. Toqqissisimaf-fimmi inuit akornanni periuuseqartarnerup assigiinngissutai misilinneqarsinnaap-put, qanoq timip atorneqarnerani oqartussaaneq ersitsinneqarsinnaava? Qanoq ili-uuseqanngikkaluarluni qanoq qinngasaarinnittoqarsinnaava? Qanoq nutaaliorluni qinngasaarinnittoqarsinnaava?

Anguniagaq:

Siunertaavoq Nunatsinni illoqarfiit uku takusitsiartorfigissallugit: Nuuk, Sisimiut, Ilulissat aamma Uummannaq. Saqqummiinernut atatillugu suliniuteqaqatigiinnerit neqeroorutaapput kikkunnut tamanut 12-niit qummut ukiulinnut. Isiginnaagassiat

qinnuteqartog:	siunertaq / piviusunngortilersaagaq:	akuersissut:
----------------	--------------------------------------	--------------

12-it missaat saqqummiunneqassapput, aamma minnerpaamik taamatut amerlatigisut suliniuteqaqatigiiffiit, anguniagaavoq minnerpaamik inuusuttut 360-it anguneqarnissaat.

Suleqatit aamma aqqissugaaneq:

Bobbi Lo Produktion piviusunngortilersaakkap aqqissorneranut akisussaavoq, qanimut suleqateqarpugut arlalinnit, aamma aqqissuineranut akisussaaneq taakkununga atuuppoq.

Neriutigaarput Nuuk Nordisk Festival-ip Nuuk-miinnerani peqataatinneqarnissamut aggersarneqassalluta, Ingerlatsisusooq, Jonas Nilsson neriulluarpoq, peqataasinnaasunut nalilersorneqartut kingulliit ilagaatigut. Sisimiut-ni Ataqaqatigiissaarisooq, Nuka Alice Lund, Kulturhuset Taseralik, suliniutip nittarsarneqarnissaa isumagisussaavaa, angalaqatigiillu unnuinissaannut ataqaqatigiissaarisuulluni. Ilulissat-nut aamma Uummanaq-mut tunngatillugu Avannaata Kommunea suleqatigaarput, Ilulissat-ni takutitsinissamut Sermermiut Kulturhuset, Nukannguaq Mathiesen ataqaqatigiissaarisuavoq, nittarsaaneq aamma atuarfinnut attaveqarnissaaq isumagisussaallugulu.

Uummanaq-mi illoqarfimmi meeqqat angerlarsimaffianeersoq Ann Pilu suleqatigaarput, taassuma unnuinissaaq aqqissuinnissarlu akisussaaffigai. Kommune-t tikitassatta tamarmik aggernissarput qanimullu suleqatiginissarput soqutigeqaat, aamma kommune-ni piorsarsimassutsikkut isumaginnittartut qanimut suleqatigaavut, taakku annerusumik isumagisussaavaat akisussaaffigalugu atuarfinnut aamma takussasiap ingerlanneqarnissaat isumagissallugu, tamarmillu misissuataarpaat qanoq piviusunngortilersaakkamut tapertaasinnaanerlutik.

Piffissamik pilersaarut:

Oktoberip 25-aniit 29-anut timitaliillutik saqqummiisussat sungiusassapput, piffissamilu tassani suliniuteqaqatigiittarnissaaq pilersaarusiortnera ineriartortinneqassaaq. Angallassinermi uniffissaaq siulleq tassaavoq Nuuk Nordisk novemberip 1-niit 7-ata tungaanut, pikialaartitsinermi peqataareerluni Sisimiut-ni Taseralik-mi takutitsissaagut, Ilulissat-ni takutitsinerit Sermermiut-ni pissapput, taakkulu kingorna Uummanaq-mut ingerlassaagut, Ann Pilu aggersaasoralugu, illoqarfiullu atuarfiani takusitsisoqassalluni, aamma meeqqat angerlarsimaffianni inuusuttut pinartumik inissimasut suleqatigineqassallutik.

qinnuteqartooq:	siunertaaq / piviusunngortilersaagaq:	akuersissut:
-----------------	---------------------------------------	--------------

2021-mi angallassinissamut aallarniutaasumik pilersaarut:

- 25.-28. oktober Malmø-mi sungiusarnerit
- 29. oktober Nuuk-mut angalaneq
- 30.-31. oktober qitittartut sunngiffeqassapput
- 1.-6. november Nuuk Nordic festival takutitsinerit aamma suliniuteqaqatigiinnerit
- 6. november Sisimiut-nut angalaneq
- 7.-8. november qitittartut sunngiffeqassapput
- 8.-9. november takutitsinerit aamma suliniuteqaqatigiinnerit
- 10. november Ilulissat-nut angalaneq
- 11.-12. november takutitsinerit aamma suliniuteqaqatigiinnerit
- 12. november Uummannaq-mut angalaneq
- 13.-14. november qitittartut sunngiffeqassapput
- 15.-19. november Uummannaq-mi takutitsinerit aamma suliniuteqaqatigiinnerit
- 19. november Ilulissat-nut angalaneq
- 20.-21. november Kikkunnut tamanut ammasumik isiginnaartitsineq
- 22. november København-imut angalaneq.

Naliliineq:

Bobbi Lo Produktion nammineq piviusunngortilersaagaq naareerpat nalilersuissaaq. Misissussavarput piviusunngortilersaakkami peqataaneq qanoq issimanersoq aamma Bobbi Lo Produktion-ip suleqatiginera qanoq issimanersoq, nalileeqaataassapput takutitsinerit peqataasut aamma suleqataasut, taamaammat akuusimasunut tamanut apeqqarissaarutit nassiunneqarumaarlutik.

Bobbi Lo Produktion tamatigut nalunaarusiortarpoq sukumiisumik nalilersuisoqartarpoq takutitseqataasut aamma suliniuteqarnermi qanoq iliutaasarsimasut. Nalunaarusiaq aningaasaleeqataasunut tamanut aamma suleqataasimasunut tamanut nassiunneqartarpoq, aamma ineriartortitseqqinnissamut aamma sulit sukut tamatigut pitsanngorsaanissamut atorineqartussaammata.

Naligiissitaaneq, assigiinngissuteqaraluarluni torersumik inooqatigiinneq aamma piorsarsimassutsikkut ataqatigiinnikkullu pissutsit atorlugit isiginneriaaseq:

Piorsarsimassuseq sorlerluunniit, ineriartorneq, suiaaqaqatigiissutsikkut sorlermiikkaluaraani, imaluunniit naliginnaasumik immiikkooqatigiikkaluaraanni, sunaluunniit

qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

tunuliaqutigaluaaraanni, tamatta assigiimmik periarfissaqartariaqarpugut, pissutaa-
sut arlaanut saatsillugit isummersorsinnaalluta, nalaanneqarsinnaamut qanikkalua-
ruttaluunniit imaluunniit oqaasissaqartuugaluarutta. Piviusunngortilersaagaq inuia-
qatigiit aamma piorsarsimassuseqarnerup akornanni ikaartarfiuliortuuvoq aamma
naapiffiulluni inuussutissarsiutigalugu saqqummersartut aamma inuusuttut akor-
nanni, akuleriilluarsinnaaneq aqqutissiorniarlugu, timikkut tarnikkullu inuusuit naa-
pissinnaanerit aqqutissiussallugu. Aamma neriuutigaaarpuk takutitsineq atuarfinni
oqallinnissamut aallaaviusinnaasoq, kikkut inooqatigiinnermi sumi inissisimappat,
piorsarsimassuseqarnikkut assigiinngissutit qanoq sunillu kinguneqartarpat, aamma
inuttut ataasiakkaatut eqimattakkani qanoq iliuuseqarnissarput qinertarparput.
Bobbi Lo Produktion inissisimavoq piorsarsimassutsikkut aamma inooqatigiit qa-
muuna sanileriaannerini, tamakku Nunatsinni atuupput, ilinniagartoorlu Ruth Mont-
gomery Nunatsinni naliginnaasumik peqqinnermut tunngasunut ilisimasqarluartoq
ikiortaassalluni. Danmark-ip Nunatsinnit nunasiaqarsimanera pissutigalugu inooqa-
tigiinnikkut assigiinngissutit pilersitaasimasut annertupput, ajornartorsiutillu anner-
tuut atuullutik, ilaatigut imminut toqunnerit, meeqqanit naalliutsitsineq, sumigin-
naaneq, imerajuttuuneq aamma pissakilliorneq. Bobbi Lo Produktion-imut pingaa-
ruteqarpoq meeqqat sunilluunniit tunuliaruteqaralarunik suliniummut uunga pe-
qataasinnaanerit aamma peqataanermik ajunngitsunik kinguneqartissinnaanerit.
Inuit 6-it piviusunngortilersaakkami peqataapput.

Gunver C. Justesen København	Kalaallit Meerartaat København Kullorsuaq-mi asaanerani tammaarsimaaqatigiinneq. Kalaallit Meerartaat 2014-miilli meeqqanut inuusuttunullu aasaanerani tammaarsi- maffeqartitsisarput, soorlu Ittoqortoormiit-ni aamma Qaanaaq-mi. 2019-ip aasaane- rani ilaatigut nunaqarfimmi Kullorsuaq-ni aasaanerani tammaarsimaffeqartitsilluta, Nunatta avannaani. Pilersaarutaasimagaluarpoq 2020-mi kingumut Kullorsuaq-mi aasaanerani tammaarsimaffeqartitsiniarluta. Tamannali covid-19 pissutigalugu taa- maatsiinnarneqarluni. Neriutigaarpuk 2021-mi nunaqarfimmi kingumut aasaanera- ni tammaarsimaffeqarnissaa. Kullorsuaq Nunatsinni nunaqarfiit annersaraat, avan-	100.000
---------------------------------	---	---------

qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

naani avinngarusimasumi inissisimavoq, avataaniit isumassarsiassaqrneq periarfis-salulluni - Nunatsinniit imaluunniit nunanit allaniit.

Meeqqat inuusuttut inersimasullu Kullorsuaq-miittut maqaasivaat sammisassat nu-taat aamma unammillernartut, ungasinnerusoq isigalugu qanoq ilernissaminnut pat-sisaaqataasinnaasut. Qaamaannalernerani nunaqarfimmi ulloq unnullu mumitsinne-qartarput, meeqqat inuusuttullu susassaaleqilersarlutik. Susassaaleqillutik tavalersarput nalullugu sulerisinnaanarlutik. Taamaammat Kalaallit Meerartai'sa aasaq 2021 atorniarpaat, ilinniagaqarsimaneq aallaavigalugu susassaqartuusut aamma nammineq piomassuseq aallaavigalugu pimoorullugu suliniuteqartartullu Kullorsuaq-miut peqatigiillutik aasaq allaanerusoq nuannersorlu meeqqat inuusuttullu qitiutillugit, angajoqqaajusut peqataatillugit, taamaaliornikkut najukkami angajoqqaat akuunerunissaat anguniarlugu.

Ukioq manna tammaarsimaarfimmi ingerlateqqinneqassapput susassaqaqatigiiffigil-simasat aamma suleqatigiinnikkut susassaqaqatigiiffilersimasallu, 2019-mi tam-maarsimaffeqarmat pilersissimasat. Sumiiffimmi sunngiffimmi pisortap saaffiginnis-sutaa aallaavigalugu nammineq piomassuseq aallaavigalugu suliniuteqartartut pik-korissarneqarsimapput, namminneq najukkaminni tammaarsimaffimmik ingerlatsi-sinnaanngorlugit, tamakku aallaavigalugit isumaqatigiissimavugut tammaarsimaffik nutaaq pilersinniarlugu. Camp Kulloq-mi nammineq piomassuseqarneq aallaaviga-lugu suliniuteqartartut nunanit allaneersut nunaqarfimmi nammineq piomassuseq aallaavigalugu suliniuteqartartut paaqqinnittarfinniittut aamma naapittarfinniittut pikkorissartarpaat, namminneq aasaanerani tammaarsimaffimmik ingerlatsisinnaan-gorlugit, taamaaliornikkut nunaqarfimmiut tammaarsimaffimmik ingerlatsinermut piginneqataasutut misigisaqartilerlugit, namminneq siunissami sammisassat assigu-sut ingerlassinnaanngorlugit.

Eqimattakkaaqatigiit nammineq piomassuseq aallaavigalugu suliniartuupput sumiif-fimmeersut aamma avataaneersut, taakkulu aqqissuiniarput nutaaliorpalaartunit aamma sammineqarsinnaasut nuannersortallit nunaqarfiup meerartai, inuusuttai aamma inersimasut peqatigiinnikkut suleqatigiissillugit. Suut sammineqarsinnaane-rat Kullorsuaq-mi upernaanerani nammineq piomassertik aallaavigalugu sumiiffim-meersunit pilersaarusionerqassapput, sumiiffimmi sunngiffimmi pisortaq aamma

qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

siusinnerusukkut tammaarsimaffimmi suleqataasimasut. Kulloq 2019 aamma Kalaallit Meerartai-niit suliniuteqarnermut aqutsisoq. Sammineqartussat sumiiffimmi pisariaqartitsinermik aallaaveqassapput, periarfissanut akornanni pisariaqartitsineq, tamarmilli siunertaqarput meeqqat inuusuttullu aalassarinnerulernissaanut, oqaasilerisinnaanerinut aamma nappaarinnerulersinnaanerani annertusaataassapput, aamma periarfissaqassalluni nipilersornermut, timersornermut nutaaliornissamullu periarfissaqassalluni.

Sumiiffimmi sunngiffimmi sammisassaqartitsinermi sulisut aamma nammineq piupmassuseqarluni suliniuteqartut siusinnerusumut naleqqiullugu annertunerusumik suleqatigineqarniarput. Tamanna meeqqat toqqissisimanerunnerannit kinguneqarluni, meeqqammi sumiiffimmi sulisut nalunngilaat, taakkulu 'avataaneersunit' aamma nammineq piupmassuseq aallaavigalugu sulisut nalusat suleqatigisussaavaat. Tamakku saniatigut sumiiffimmi sunngiffimi sammisassaqartitsisut pisariaqartippaat nutaarsiassanit aamma isumassarsianit aallerfissaqarnertik, taamaaliornikkut allanerunit aamma nuannersunit naapittarfinnit atuisartut qinigassaqartinneqarsinnaammata, avataaneersunimmi isumassarsinertik allanut iluaqutissanngortissinnaagamikku.

Sammineqarsinnaasut nunaqarfimmi ingerlanneqartut saniatigut inuusuttoqatigiaanut suliniuteqatigiittoqassaaq, atuartooreernerup kingorna inuunermik ingerlatsinissamut piareersaatissaannik. Kullorsuaq-mi inuusuttut ilinniagaqarniarunik nunaqarfiitsik qimattariaqarpaat. Tamanna inuusuttut qamuuna nukittuujunissaanit pisariaqartitsivoq, kiisalu nunaqarfik avinngarusimasoq ilaquttallu qimallugit ingerlaqqinnissaq sapiissuseqartariaqarluni. Ingerlaqqinneq naliginnaasumik 3.400 km-terinik Danmark-imuusaaq, Nunatsinni Aasiaat-ni ilinniarnertuunngorniarneq, 670 km-terinik kujammut ungasitsigisoq. Kullorsuaq-p meerartai qamuuna patajattuusariaqarput qamuunalu qajannaattuusussaallutik, tamannalu Camp Kulloq 2021-mi sorlalerniarparput. Nammineq piupmassuseq aallaavigalugu suliniuteqatuutigit piviusunngortilersaakkami Sapiik-mi aqutsinermut ilinniagaqarsimapput, taakkulu meeqqat atuariiini angajullit siunissaminnut pilersarusiornerinik ikiorsinnaallugit. Kullorsuaq-mi piviusunngortilersaakkamut naleqqussagaq sumiiffimmi atuuttunut naleqqussagaq atorineqartussaavoq.

qinnuteqartog:	siunertaq / piviusunngortilersaagaq:	akuersissut:
----------------	--------------------------------------	--------------

Piumassuseq aallaavigalugu suleqataasut nunaniit tamaneersut 7-it aamma inuit
300 - 400 sumiiffimmeersut suliniummut peqataasussaapput.

Gunver C. Justesen
København

Kalaallit Meerartaat
København

100.000

Qeqertarsuaq-mi asaanerani tammaarsimaaqatigiinneq.

Kalaallit Meerartaat 2014-miilli meeqqanut inuusuttunullu aasaanerani tammaarsi-
maffeqartitsisarput, soorlu Ittoqortoormiit-ni aamma Qaanaaq-mi.

2020-mi Kalaallit Meerartai-sa ilaatigut Qeqertarsuaq-mi aasaanerani tammaarsi-
maartarfeqarnissaq ingerlatissavaa, tassa Nunata avannaani.

Illoqarfik anginngitsoq Qeqertarsuaq qeqertami Qeqertarsuarmiippoq Ilulissat ki-
taa-tungaani, sumiiffik immikkorluinnaq ittoq. Qeqertaq Qeqertarsuaq Nunatta a-
vannaani sumiiffinnut allanut naleqqiullugu allaalluinnarpoq, sineriaa qutaangasuu-
voq innermik anitsinerup kinguneranik ujaqqat ilisarnarluinnartut, sissaq qernarin-
nik sioralik, ujaqqat immikkut ittut qaleriiaarpassittut, nuna naanerilluinnartoq, imeq
kissartog aniaffeqarluni, naasorpassuit aamma kuannerpassuit. Illoqarfik Qeqertar-
suaq aamma qeqertaq Qeqertarsuaq takornariarpassuit ornittarpaat, minnerunngit-
sumik aasaanerani. Qeqertarsuaq aamma inunit 812-it angerlarsimaffigaat. Taakku-
nannga meeqqat 207-it 18-it inorlugit ukiullut alliartorput, siunissaminnut isumas-
sarsisarlutik aamma siunissaminnut sinnattuminnit pilersitsisarlutik. Aasaanerani
atuarfik, ornittakkat aamma timersortarfik matoqqasarput. Taamaammat Kalaallit
Meerartai-sa 2021-mi aasaanerani ingerlanniarpaat tammaarsimaartarfik.

Siusinnerusukkut aasaanerani tammaarsimaartarfiit nalilersornerisa ersitsippaat:

- illoqarfiup meerartai inuusuttaalu periarfissinneqarput
aalassarinnertik, patajaattumillu nikorfarinnermut, aamma
tiguseriarnermut nalussinermullu sungiusarnissamut
- namminneq piumassusertik aallaavigalugu suleqataasut ullut
tamaasa meeqqat sammisassanik nutaanik periarfississavaat,
pinnguarneq, timersorneq allarpasuillu. Meeqqat ullut tamaasa
piumassusiminnik suleqataasunit unamillerneqartassapput, aamma
namminneq sumiiffimmi pinnguaataasut ilikkagaqarfigissallugit

qinnuteqartoq:

siunertaq / piviusunngortilersaagaq:

akuersissut:

- piumassusiminnik suleqataasut meeqqat inuusuttullu periarfissisavaat sungiussimanngisaannik ataatsimoorfissaqarnissaannik, peqataasut ukiuni allallu akimorlugit
- meeqqat aamma piumasassuminnik suleqataasut oqaluttuassapput nammineq inunnguutigalugu oqaaserinngisaminnit (soorlu tuluttut, qallutaatut, timi atorlugu 'oqariartuuteqarnikkut' allatullumi
- sammisaqartitsinerit aqputigalugit illoqarfimmi ataqatigiinneq annertusarneqassaaq, paaseqatigiinnissamut aallaaviusinnaasut atorlugit, ataqeqatigiinneq aamma imminnut akornerminni soqutigeqatigiinneq aqputigalugu
- angajoqqaat sammisassaqartitsineq aqputigalugu paasisaqarfigisavaat qanoq meeqqat inuuneranni eqiigasumik peqataasinnaanertik aamma isumassarsiorfigisinnaallugu qanoq meeqqat ataatsimoorussamik sammisaqarnerinut peqataalluarsinnaanertik.

Camp Q ingerlanneqassaaq nammineq piumassuseq aallaavigalugu suliniuteqarumavittorsuarnit, aqqqissuunneqassallutik sammisinnasaat nutaaliat, unammillernartut aamma sammisassat nuannersut illoqarfiup meerartai peqatigalugit pilersinnetartussat. Sammisassat tamarmik meeqqat aalaniarnermikkut aalassarissuunissaat anguniarpaat, oqaasilerineq aamma eqqaamasarsinnaaneq, aamma soorlu peqataaffigisinnaallugit nipilersorneq, timersorneq aamma nutaaliarluni sammisassarsiorneq. Aammattaaq meeqqat ataasiakkaarlutik inuttut ineriartorneq annertusarsinnaavaat, kiisalu illoqarfimmi meeqqanut inuusuttunullu allanut susassaqatigiinnerulerneq angusinnaallugu, allat niviarsiaraanerat nukappiaraanerallu akimorlugit. Tamakku saniisigut inersimasut illoqarfimmiut sap. ak. naanerini aqqqissukkanut aggersarneqartassapput, meeqqat peqatigalugit sammineqarsinnaasunut, soorlu kaffisortitsineq nunarsuaq tamakkerlugu aallaavilinnik tamulugassat ilanngullugit. Camp Q tassaavoq aasaq sorphassuarnit sammisassaqarfusoq peqatigalugu nunarsuarmi assigiinngisusit kateriiffigalugu, tamaammat illoqarfiup meerartai, inuusuttai inersimasullu takusassittussaallugit nunarpassuarni sumi tamaani periarfissarpassuit takusinnaalissallugit.

Piumassuseq aallaavigalugu suleqataasut nunaniit tamaneersut 16-it aamma inuit

qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

150 - 250 sumiiffimmeersut suliniummut peqataasussaapput.

Søren Würts Nuuk Arnajaraq Lyberth Gert Ignatiussen Tasiilaq	<p>Kommuneqarfik Sermersooq</p> <p>Peqqinneq, Sunngiffik aamma Piorsarsimassuseqarneq</p> <p>Tasiilaq</p> <p>2021-mi aamma 2022-mi Tasiilaq-mi meeqqanut inuusuttunullu qaammatikkaartu- mik pinaveersaartitsilluni suliniutit.</p> <p>Qaammatikkaartumik aqqissuisarnerit immikkoortoqarfiup 2016-mi aallartippai, si- unertaalluni pinnguarnikkut aalanikkullu meeqqat inuusuttullu qaammatip naanis- saanut qilanaarsinnaaniassammata. 2018-miillu NunaFonden meeqqat inuusuttullu iluareqisaannik tapiiffigisarsimavaa.</p> <p>NunaFonden-ip tapiineratigut immikkoortoqarfiup aqqissuisarneq ineriartortissin- naavaa timersornermut aalanermullu atortorissaarusersornikkut, aamma nutaanit isumassarsiornikkut pilersitat ilaatinneqassallutik. Sammisassat annertunerusumik sumiiffimmi aqqissugassaapput, imaqassallutillu nipilersornermik, eqqumiitsulior- nermik, timersornermik aamma allatut pinnguarnermik, tamarmik illoqarfik uum- maarinnerusunngortitsisussat, kiisalu kinguaariinnut nutaanut pitsaanerusemik kin- guneqartussanngorlugu.</p> <p>Ataasiarluni marloriarluniluunniit sammisassanik ilassutaasunit avataaniit ilanngus- sisoqartassaaq. Tamarmillu sumiiffimmi aallaavilinnit pisoqarfiusassallutik.</p> <p>2016-mi aqqissuineq aallartimmat angerlarsimaffiit avataannut meeqqat inissinne- qartarnerat malunnaateqarluartumit annikillivoq, akissarsinerit nalaanni pizaraluar- tut, taamaammat kommune-p tungaaniit soqutigineqarluarpoq aqqissuinersup siu- arsarnissaa. Ilaatigut NunaFonden-ip tapiineratigut angerlarsimaffiup avataani inis- siisarnermut tunngatillugu nikeriarsimavugut, tamanna uppernarsaatissaqarluarpoq. Tamannalu ingerlatiinnarniarparput.</p> <p>Kommuneqarfik Sermersooq Tasiilaq nammineq pilliuteqataavoq sumiiffimmi as- sigiinngitsunik sammisassaqartitsinermik aamma kommune-mi sulisut sorpassuarti- gut ikiuussutinik peqataapput, tapersorsorlugu oqariartuut pingaaruteqarluinnar- toq illoqarfiup inuussuseqarneranut meeqqat inuusuttullu peqataasusut.</p> <p>Naatsorsuutaavoq inuit 1.000-mit ukiut tamaasa peqataasassasut.</p>	205.325
--	--	---------

Akuersissutit
nittarneqarput
23. april 2021

qinnuteqaatit 2020 december ~ marts 2021
aallaavigalugit akuersissutaasut qinnuteqaatit
100.000,- kr-ninut sinnerlugillu annertussusilinnut



qinnuteqartoq:	siunertaq / piviusunngortilersaagaq:	akuersissut:
----------------	--------------------------------------	--------------

2021-mi aprilimi akuersissutit katinnerat qinnuteqaatinut tamarmik 100.000,- kr-ninit annertunerusut 2020-mi decemberimiit 2021-mi martsimut tigusimasavut aallaavigalugit:	1.085.325
--	-----------

Takusassiaq una 2021-mi ukloq tamaat akuersissutit allattorsimaffiani aamma akuuvoq. Akuersissutit ukiuni aggersunut atasut ukiut aggersut pineqarfiini ilaatinneqarput.
